

悔翁筆記

附詩詞鈔

梅翁詩鈔八

江甯汪士鐸

物上元吳達重校刊

題畫琵琶行

高低不斷秦山青
翦作朱樓雙畫屏
山下征人莫回首
學成琵琶推卻手
征人未返雁南飛
樓中塞外兩依依
琵琶若解傳心事
留取鵝弦待子歸

六月二十二日臺城看荷呈主人洪觀察涇舟

仙姝綽約千紅裙
世閒粉黛徒紛紜
湖烟山雲綠深窻
瓜皮柔櫓聲微聞
城頭統統嚴四鼓
束縵乘篴勇可賁
吳宮後城八尺寬
賓主揖讓車上舞
共凭女牆作几席
右挹蔣陵左幕府
平林遠水送飛鳥
長嘯蘇門孰今古

城內野圃隱千家

城下卽晚香圃藝菊所也

東郭桃李真狹斜

桃有園

驚有鶴誤高下主人愛汝君子花

可笑

福生無形禍無胎門下賓客喧風雷望色占珥賀者來
天寒足跣弔者哀能令公怒令公喜我昔躬逢百感起
於今閉戶如枯禪一任野狐闌止水

虞美人草

壁上諸侯雙膝走臣等拜上將軍酒美人親侍龍虎威
楚舞低回垂素手眼看豪傑如蟲沙氣化長虹貫樞斗
憤王宮圯風蒼涼弱草亦萎官道旁憑君莫上長陵望
野雉年年過辟陽

贈劉樸田

雞犬丁籍共四口公姬家具才一車門外雪深突烟涇
隔牆猶聞君讀書斫陣馳馬君不如朱門觥觥不曳裾
計然白圭術復疏慕汜勝之嬾把鉏於世法當填溝渠
談方望溪陸三魚此二子者時所譽或假途焉建旌旗
君如學之必得輿慎毋再爲龍之屠

題扇

天下畏塗有二絕騰格里寒戈壁熱明駝畏熱改他途
飛霜以寒全其潔灼灼不羨桃李華皚皚自抱薇蕨節
江表才士美少年夏蟲未可語冰雪

小鳥

小鳥呼公復呼姥草蟲警風又警雨阿誰爲虺與爲虎
取諸王章玩之殷日生東月生西北斗有柄與天齊秦
山有伍伯沈履竈髻矚爾爲爾玩人如三歲兒雞鳴犬
吠市人皆知之烏乎噫

夢林延之寫某之真

眼前不乏丹青手皮相紛紛辨妍醜環肥燕瘦縱形似
意態明妃果何有昨宵夢見林延之寫真畫神不畫皮
偶覓桃李霜後姿調脂研粉描雙眉戚卮子姓不相識
對鏡亦不知爲誰搖落仍留冰雪肌江空露冷韻珊遲
分明九曲溪中月曾照新藻綽約時

虛詞

飢想大官熟羊脾飽拾芋橡偕狙嬉無求有累爲口腹
其俗和緩無緣醫采鼈宜陟山崎巖種秫乃成酒醇醅
人生不自用筋力毀茶辟穀眞虛詞

筍尙含苞

筍尙含苞節未知風來水面已漣漪隔年何事能相保
曠絕微之訣絕詞孟水須清不須滿美人何妨步月短
明珠有淚玉成烟琴曲終宜廣陵散君不見生前人人
青陵臺生後人人黃鵠哀五陵裘馬醉年少私雇香車
迎夜來

題扇

畫青綠海山也

華嚴樓閣有妙境文人慧業偶及之我欲拈出示大眾

微方子春誰其師昨宵靈蜃吐怪氣玲瓏殿角蹲雙獅
雲霞絢爛宮樹遠似聞威鳳時來儀碧窗朱檐畫窈窕
海風吹凍干玻璃琴聲人意到此絕雖有十指揮弦遲
藩閒斥鷃笑飛隼高步亦爲捷徑窘是難是易誰能知
問空空兒謝不敏

蟬蛻

小蟲飲啄闌得喪蠻民伏尸動軍仗絡緯促織工販繒
紅蟬癡情化脈望莊生妄云蟲能天機權乘除算無量
秋原霜初柳影疏寒蟬嬾附豐貂居偶留一曲寄枯木
此外所掇皆蛻餘

悼王信甫寄其尊人子壽先生

高吟清新師夢樓丹青妙欲追廉州王郎詩畫有家法
翩翩雛鳳儀丹邱會翔彩羽瑞帝所揖讓羣后偕鳴球
不然說經如景侯作文奧折荆公儔螺圻翠色照書櫺
老子顧此能解憂霜威蕭瑟凋萬類穠華一夕悲梧楸
遺文在手那忍讀淚隨潮信西南流勸君割愛且投杖
尙有軋轍從君游

子壽凡
三子

月琴

疏桐挂月臨金井月落桐枯井無影阿誰玉斧寫圓形
絢以鋼絲彈夜永訴離訴怨不訴懽傳出悲涼心耿耿
柔懷往復曼以輕指下嬌滑來春鶯道人淨耳格不入
負手孤行松下立

有生

有生卽有老病死日側月虧盈則爾唐家翰林浴室殿
妃白儷青致金紫宣公衛公一二賢李白猖狂等醉鬼
宋之歐蘇明楊清張居正一千年來六君子宏肇安得用
毛錐短後之衣趙王喜儒冠溺罷投濁流弄戟探丸乘
運起豕苓桔梗互興廢或息或消理如此嗟哉吾黨魯
兩生甘對南山歌泌水

得印歌爲劉誠甫顯曾書

仙人昔割元圃根白鑄賤名朱梅邨劫火百鍊墮血海
鯨鯢環視不敢吞日勞丁甲互守護昨宵虹氣騰千門
徧國朝服賀正旦九達絡繹車馬奔豫章會館市人滿

高子忽爾停緇軒摩挲此石自驚異贖回仍皮梅花園
劍合弓得那足比石交乃有理數存臧書端研不得一
久歎焦若咸陽原晴窗枯坐相視笑儼逢舊雨重寒暄
至人忘懷况玩物聊記緣起爲之言

寄謝甘竹生贈南棗龍井茶且聞其德政故爲頌
之

曾稽太守天下無勤官愛民惠澤敷公餘遙念種楮叟
遠餉兩餅吳山腴風篁嶺高境幽爽雲露蒸茁青珊瑚
老僧好事偶采擷筠籃竹杖偃且癯怪松枝墮作虬走
活火焙向南峰隅我方逃暑忽得此珍逾百斛明月珠
更有南棗產義烏形大銳上宜呼極小窗啜茗足邊實

佐以古籍真仙乎知君憂樂在萬姓愷澤亦不遺一夫
山陰道上富篇詠何亞飛轡游清都巖有禹穴水鑑湖
安君清嘯民困蘇會稽太守天下無

除馬齒莧

薙氏殺草斫與芟句廉茲具窮嶮巖瓦邱廣輪厓一畝
馬齒布濩青如緘近齋尋丈不拄杖霧露冒沒浸長衫
取法往事變水火燔石作灰塗其黷斬天一雨助燥熱
奪厥甘溫加苦鹹是物陰果類茲佞欲絕其族同剽剽
惡木一二釋不治例恐蔓延此其凡廓清唐涂免泥滑
佳茗日供飽尊銜

謝劉恭甫選余文詩諸雜錄

丁丑三月十四日

海內大師王與惠君家說經亦三世漢唐儒學能幾人

祖孫父子及昆弟就中伯子尤相親杯茗論文劇心契

揚州夢覺三十年曾侍耆艾談丹鉛令祖孟瞻先生揚王吳蔣

並方駕季子句生讓之及文若維清兄弟商榷史法無疑然雲烟過眼

再相見通誼巨集成山淵閣篇寶帙未易刊虹光昔昔

橫星躔尊公伯山同年通誼堂文金陵志局聘才傑借君揮筆如修

椽一塵不動決盪快家法彪同兼談遷旁人拍手徒健

羨但祝鴻鵠高騰騫嗟予煢獨甘焦卒晚知學道猶虛

器平生無福得幽棲若耶山北雲門寺此後誰人重蜀

巖勞君料理諸文字

薛慰農先生清涼撰杖圖

文翁用柔常爽剛斧我杞梓成圓方只聞元宵正似鴨

餘皆翦飾爲鸞皇廷尉

謂鍾山院長李小湖聯琇

高簡眞太華岩巖

戍削垂青蒼觀簪春風扇萬物句出萌達嬉朝陽二公

提攜本驂靳文武政喻弛與張自慚頑鈍木已朽雖欲

丹腹無輝光負書握槩冀吾黨追琢令器如珪璋款門

昨逢張敬緒自云負米遊荆揚太常蘇侯善相士必加

羈絡俾騰驤於戲兩公江東所師表後進仰若星雲祥

薛公好賢更超絕天機所得遺驪黃洛陽賈誼正年少

撰杖何幸登公堂

戲題種蔬圖

十年學書書不成一朝擊劍人已驚登城豈必晉鄭白

婦孺畏見曼胡纓道逢高車載雞狗朱朱嘻嘻紛吳僮
淮南仙去鼎未去坐令方士欽其名不其老翁抱儒書
課虛責有世不如笑指二子正爭道高臥甘夢羊蹴蔬

請雨

平生吾不如老圃行吹蘆笙擊土鼓兒童被髮扛寓龍
請天爲我三日雨昨晡蝓蝓方在東今晨赫赫銅鉦紅
村巫問神神已醉屠沽索債烈日中

小鳥

小鳥載止忽載飛十步五步防危機黃金易成年難少
青春今來事昔非靜者觀棋爛樵斧幾輩結網尋釣磯
道人眼冷心更冷明月皎皎烟霏霏

鳳凰臺懷古

用歐陽滄浪亭韻

謫仙遊踪徧吳越鳳臺傑作無長篇三山二水雖足壯
吳宮晉代徒爾然衣冠邱墟漫割據臺前但見江回環
夷吾不復出江左幽徑花草空爭妍譬如鳳凰已千仞
樊籬鸚雀啁與喧長安雖近未得見金烏赫赫遮雲烟
先生此言有深意永王悖逆非良緣虎狼道梗隔京邑
身無兩翼如飛仙自唐以來又千載荒臺突兀倉山邊
秋風命儔一登眺江濱已變膏腴田千畦萬畝稻粱熟
四望無復波清漣荒烟喬木雜邱隴避世何處來漁船
村農荷鋤爲予說往往耕得前朝錢豐年不寶寶符瑞
元嘉舊事誠堪憐野人那知有鸞鷟惟知含哺終其天

秋冬報賽偶攀陟靈巫擊鼓聲淵淵嗚呼太白若見此
騎鯨大笑甘長眠風帆沙鳥隔城堞天險防守思當年
歸途落日滿林木高吟古調憑誰傳

大功坊懷古

韻用東坡書王定國所藏烟江疊嶂圖

真人驅龍起淮泗誰其輔者圖凌烟燕秦已定更北伐
封狼居胥銘燕然羣雄削平釋兵柄賜莊窈窕卑平泉
定位第一曰魏國寵以土田匪山川大功無匹昭綽楔
邸第橫壓秦淮前鍾山淮水兩環抱勅書照曜城南天
追配蕭曹暨褒鄂宗臣遺像清以妍胡風吹沙暗畿甸
鐵騎蹙踏金川田名臣巍功皆宿草安劉平勃無天年
朱能張玉豎子耳妖蠶食月吞嬋娟齊眉峯高書奏捷

飛燕局促難安眠藩籬自撤眾軍潰宋襄仁義啼銅仙
賢哉令嗣甘削職守祠不作從龍緣遇合際會有天數
爲王慨想鹿鳴篇

題李新吾孝廉印存

斯翁八體眞球璧芝草蟲魚并鳥迹秋深虹氣滄江青
月霽蛟盤瀛海赤泰山瑯邪豐碑殘人世何從師片石
先生作篆研六書摹印相傳高典冊朗然照寶驂星辰
赫然動魄森劒戟翻然朝霞冠瑤岑忽然夜光輝太液
魚龍百變無定形嗣吳文家專此席日後說法雖多人
細才一米鉅不尺深谷高岸三百年文士詩筒珍手澤
賡鼎雜逖羅市廛巨眼猶將誤朱碧幸君此譜拯俗工